

道吐魯番或托克遜計，即沿土子諾克山入溝口北行，與吐魯番至迪化大道會，車馬人夫，絡繹于途中。但旅行之士，人與幽居地中之死者，未嘗有一抵牾，與彼此互相殘害之事實發生。故此沉靜之數百墓室，歷千餘年從未被敵人擾亂，而安之若新塚也。

平原之北部，鄰近紅山，間隆起風蝕土層，形成白色鱗甲，剛堅若石，表覆石子與黑沙。雖高阜擬古塚，傾陷類墓道，然死者仍不以此爲樂土，鮮少冥宅。其中部地勢漸平，土阜較少。故大部墓宅，均集中於此。

插第四圖

縣延而南，底於溝口。

最使余感興趣者，即每若干塚外，均用石塊排設一線作欄，成爲一塋。說文，塋墓地，從土營省。蓋營者，市居也。合若干冢爲一塋，猶兵營之市居也。類皆方形，前開一門，二線平行，長十餘呎，方向不一。余以發掘之結果，證明在每塋內之死者，皆爲一族一姓之人，從無有異姓濫入之事，知立石線欄者，即界域之義也。在此等嚴密組織中，最足使吾人工作審慎，且當按其種姓而施行發掘之程序也。每一塋中，塚數不一，少者一二塚，多則至數十塚，排比頗有條理。每塚隆起，或方或圓，堆砌石塊於其上，寬廣約四〇〇〇呎，高約一〇〇〇呎。塚前有石塊排立一線，指示其爲墓道，由此可以直抵墓門。墓道之長短，與石線之長短成正比例。而墓門之方向，間不一致，有時塚向東而塋門向南，有時一塋之中，而每塚之方向東西南不一者，蓋其每塋之方向亦隨意以爲界劃也。然其墓門與塚門無一西北向者。雖然西